



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno 429. Usque Ad Annum 483

**Fleury, Claude**

**August. Vind. [u.a.], 1759**

**VD18 90117816**

§. 15. S. Cœlestini obitus. Sixtus III.Papa.

---

[urn:nbn:de:hbz:466:1-66052](https://nbn-resolving.org/urn:nbn:de:hbz:466:1-66052)

& denique auxilium a Pelagianis quæsi-  
tum. Deinde Papa Ecclesiam Constanti-  
nopolitanam hortatur, ut bono affectu  
audiant Maximianum, non nisi antiquam  
Doctrinam, quam in sinu Ecclesiæ Roma-  
næ hausisset, prædicaturum, & in fide  
constantes permaneant. Quatuor istæ  
epistolæ per Joannem Presbyterum, &  
Epictetum Diaconum, qui epistolas Con-  
stantinopoli scriptas, Romam attulerant,  
missæ. Cum vero Romam ad Christi  
Nativitatem pervenerint, conjectura est,  
iplos circa festum Resurrectionis, quod  
hoc anno 432. in tertiam Aprilis incide-  
bat, Constantinopolim attigisse.

Sæculum V.  
A.C. 432.

§. XV.

*S. Cœlestini obitus. Sixtus III. Papa.*

Sanctus Cœlestinus Papa datis his epi-  
stolis haud ultra tres septimanas su-  
perstes fuit. Obiit sexta Aprilis, ejusdem  
anni, cum Sacram Sedem annis novem,  
& decem mensibus tenuisset. Ab ipso  
institutum dicitur, ut ante Missæ Sacrifi-  
cium Psalmi canerentur, cum prius solum  
Epistolæ S. Pauli, & Evangelium legeren-  
tur; ex his haud dubie colligendum,  
hunc Papam jussisse, ut Psalmus in Introi-  
tu Missæ recitaretur, sicut S. Augustinus  
testatur, suo ævo Carthagine morem in-  
vectum, ut ad Offertorium, & Commu-  
nionem Psalmi canerentur. S. Cœlesti-

Sup. XXIV  
§. 32.  
II. Retract.  
c. 2.

NUS

Sæculum V. nus Basilicam Julianam dedicavit, & ma  
 A. C. 432. ta ibi vasa argentea, rursusque ad S. Pe  
 trum obtulit, universim 1136. Libras Ro  
 manas, nempe 1704. Marcas, quod quin  
 quaginta & uni millibus, atque centum  
 viginti libris nostris æquivalet. Idem Pa  
 pa tres ordinationes fecit Mense Decem  
 bri, quibus Presbyteros triginta duos  
 Diaconos duodecim, & Episcopos qua  
 draginta sex ordinavit. Sepultus est in  
 Cœmeterio Priscillæ. Et Sacra Sedes  
 viginti diebus vacavit. Successorem ha  
 buit Sixtum, Nomine isto tertium, Ro  
 mæ natum, qui 26. Aprilis, anno 432. or  
 dinatus, Sacram Sedem ferme annos octo  
 tenuit. Is antea Ecclesiæ Romanæ Pres  
 byter fuit, idemque, ad quem S. Augusti  
 nus celebrem illam de Gratia epistolam  
 dedit.

*Chro. Prosp.  
 & Marcell.  
 Sup. XXIII  
 §. 57.*

S. Sixti ordinatio omnibus consentien  
 tibus facta; præsentibus duobus Episco  
 pis ex Oriente, Hermogene Rhinocora  
 rano ex Ægypto, & Lampetio Cassiensis  
 ab Episcopis, qui Concilio Ephesino ad  
 fuerant, cum epistolis commendatitiis  
 S. Cyrilli missis. His S. Sixtus Responso  
 rias ad S. Cyrillum, aliosque Episcopos  
 ferendas credidit, quamvis jam, quid sen  
 tiret, satis declarasset per epistolas, quas  
 Clericis Ecclesiæ Constantinopolitanæ, &  
 uni S. Cyrilli Diacono commiserat red  
 dendas. Ambas epistolas, quas Episco

pi Hermogenes, & Lampetius detulerunt, habemus; prima ad S. Cyrillum speciatim data; altera erat circularis ad omnes Episcopos, a quibus fuerant delegati. Hæc duo præcipue continent; nam primo Papa Episcopis ordinationem suam notam facit, sicut more receptum erat; deinde Ecclesias Orientis ad concordiam reducere conatur. Laudat zelum S. Cyrilli, qui deposito vindictæ spiritu, & acceptarum injuriarum immemor, unice Ecclesiarum paci restituendæ studet. Papa eandem sibi esse sententiam pronuntiat; omnes, qui sponte in viam bonam regrederentur, esse recipiendos, Ecclesiis vero illorum, qui pacem respuerent, de alio Pastore providendum. Nominatim de Joannis Antiocheni causa edicit, si pro Episcopo Catholico haberi velit, ipsi esse damnanda, quæcunque Ecclesia damnasset.

## §. XIV.

*Divisio in Oriente.*

Revera in Oriente animi acriter dissentiebant. Joannes Antiochenus *Synod. Baluz. c. 38.* Concilio Ephesino rediens, cum esset Anticyræ, ad Antiochum, Præfectum Prætorio, scripsit, nec se, nec suæ Partis Episcopos pro Episcopo agnoscere Maximianum Constantinopolitanum, nec eos, qui ipsum ordinarunt, nec illos, qui ab ipsis

in